

松滋縣志

地 260.135  
32  
:1~2



舊序

壬寅秋余筮仕都門補授松滋令風塵歷落中得古輿圖志因考松邑始末其山川名物之萃人文之秀真足愉人懷抱竊自嘆曰苟得是是亦足哉越明年仲春之任抵其境觀其人民晨星落落朕接其士子鵲衣寥寥朕其田疇則鞠爲茂草其城垣則盡爲丘墟其名蹟遺址層臺大榭悉禿於荆榛林莽之中莫可披尋與前志所稱迥異方悵

松滋縣志

序

不絕於懷偶有二三父老薦紳長者扶杖而進謁焉因詢其故咸曰松之爲名城舊矣在明末猶號佳勝年來姚黃諸逆逼處茲土民之戕於鋒鏑者什去其五六矣越我

皇清定鼎掃蕩妖氛鴻鴈集於中澤未幾指戈滇黔此地爲土馬往來之衝供兵運餉迄無寧日民之流於四方者什又去其八九矣日者南土之凱音方旋西山之金聲復動民亦勞止汜可小休言未



已數行泣下余聞之訝甚猶疑楚詞過於激切忽有郡使傳檄至焉曰王旅嘽嘽脫巾而譁我是以有徵餉之役忽有司吏馳羽至焉曰戰士嗷嗷荷戈以待我是以有募夫之役于焉追呼之令遍于野於焉輪輓之聲滿於道於焉耕桑之樂絕于室加以水旱頻仍逃亡再告真有鄭監門圍不及繪賈長沙涕不勝哭者矣幸賴我督憲臺指授奇謀暨我

松滋縣志

序

卷

二

撫憲臺膂力

王家

道府咸殫心於兵食將帥悉用命於攻刺一戰而巨寇成擒再舉而餘孽授首向之憑恃險阻者剗削銷沒一望川江漠狀徒見山高而水清兵休事已遐邇樂業松人亦獲有寧宇咸各

憲臺功德之所賜也維時各

憲臺樂有全楚之盛不忘與圖編緝郡縣志書問

及于松松當兵火之後古志云亡法朕無以繼  
命本邑名人士胡子起鳳李子掄元詢諸故老  
以傳記不數月而輯其大畧其山川名物之  
萃人文之秀與前志所稱無以異噫太平  
自此其有象矣猶望各

憲臺披肯按籍不忘備邑疲苦扶進休明我松人  
戶祝歌詠于萬斯年當與此志共不朽也謹序

關門李式祖典企甫題於松滋署中

舊序

士君子讀書懷古其素所豎立無不思  
上而腹心股肱次而補闕拾遺再次則  
爲二千石以抒所欲爲號循吏焉斯云  
幸矣至語其最次則爲縣令而止縣令  
人方以謂可爲而不可爲也爲之而舊  
治犁歿民殷物阜無盤根錯節之事意

外繁難之擾臥而治之人人龔黃在在  
卓魯矣爲之而舊治蕩然民凋物敝多  
盤根錯節之事意外繁難之擾當斯時  
也卽起召父杜母於今日極力爲之亦  
難免考中中考中下者矣而予獨曰不  
朕夫人特未居其位任其事耳旣居其  
位任其事也古之所謂良有司者果何

以稱焉予本才不逮古人而心竊嚮慕  
之初仕卽任縣令未嘗不欲臥而治之  
之地而

簡命乃尹茲邑自蒞任以來每取縣志之  
所謂紀畧者而閱之其土地山川人民  
謠俗固猶是也而城郭無存市井坵墟  
驛遞繁苦漢土雜錯予遺流離學舍茂

草輸輓不前追呼頻至正所謂極力爲  
之而前之令此者已有爲之而效或爲  
之而不效者也予敢云爲之而可卽效  
耶歟業爲

聖天子撫此人民本其素所望立敢不覽  
封域卽思危疆何以克振賢秩官卽思  
素餐何以無譏覽賦役卽思耕九何以

餘三覽選舉卽思文教何以覃敷覽城  
池卽思金湯何以重固覽驛通卽思夫  
馬何以措置覽風俗卽思人心何以三  
古覽節孝卽思正氣何以培養覽宦績  
卽思前賢何以追蹤諸如山川津梁倉  
庾郡邑水利戰守諸載在縣志者不一  
而足俱予一心所當夙夜經營以求不

負所學者而今且漸次旣理矣惜前志  
僅紀其畧而未詳待罪三年政事之暇  
出予三年之所搜採與得之邑人士之  
所傳聞因與李子掄元刪定而潤色補  
輯之合前此所謂紀畧者於是而集其  
大成焉爰付之梓以望夫後之蒞茲土  
而披是志者

昔

康熙庚戌孟夏至後二日天中屈超乘  
克繩父題於松滋之署中

松滋縣志

屈

序

四

重修松滋志序

郡邑之有志其古史之遺乎  
非僅鋪張事蹟而侈聞見已  
耳固將謹天時以察地宜修  
人事以奠民生證往古以昭

松滋縣志

陳

序

鑒戒義例維嚴筆削維謹誠  
近乎史而非謬也今天下郡  
邑皆有志求如古史之遺不  
數數覲也前代以志學稱者  
如康對山之志武功陳士棨

之志南昌夏夔仲之志長樂  
當時艷慕之而後之作者尤  
或非之况不爲康陳輩者非  
之更將何如耶吾固有感於  
松邑之志也夫松自晉創置

以來歷唐宋元明儼然聲教  
文物之邦獨於明爲最盛若  
傅叅政之謨猷伍司馬之功  
烈炳炳琅琅至今尤照人耳  
目其他或以文名著或以甲

第顯者蔚然而起後先輝映  
詎非地靈人傑也耶豈盛極  
而衰運隆而替一荼毒於流  
寇再蹂躪於滇逆人民散亾  
幾無遺類尙何有於名物之

松滋縣志

陳

序

三

華人文之秀者哉予於甲子  
之春蒞任斯土距蕩平之歲  
已五載矣而荒涼之况依朕  
在目城市則殘爲丘墟郊原  
則蕩爲秦奔驅車歷覽悵悵

以之及索觀邑志特一殘簡  
餘墨缺漏已甚非志之舊也  
因思古人以幅幘之廣表風  
土之異宐山川之變險民生  
之習俗古今之沿革變遷物

產之殊形異類凡若此有不  
可以勝窮者悉能一一指諸  
掌而措施咸得盡其宐者皆  
以有志在也昔蕭相入關先  
收秦之圖籍因周知四方盈

虛強弱之實漢祖遂賴之以  
并天下識者取焉由此推之  
治一郡一邑者於封域版圖  
山川形勢田賦高下徭役重  
輕戶口繁減政治得失民生

向背風俗善淫以及關梁城  
池戰守水利防奸弭盜一切  
治民諸要務不於其志是資  
亦將何所攷究而施行哉此  
又不獨義近於史也顧松士

、鐵路若此吾何取則感慨係  
之矣由是朝歷夕惕切切鯁  
鯁惟以吏職之弗修則民生  
有弗遂故日盡心於簿書期  
會之間而他則無暇也雖然

、徵文考獻繼往昭來有司者  
之責子獨弗克蒐羅載籍博  
訪耆舊以成一邑之典愧孰  
甚焉今承乏斯邑已十有三  
載躬逢

聖天子功德廣被

各憲臺懷保維勤予以小吏  
趨承其間罔敢不奉厥職故  
視昔百廢已粗舉其概田疇  
漸闢而歲且屢登學校振興

松滋縣志

陳

序

七

而人文秀發地靈人傑不有  
復望於今日者乎於是念舊  
志鏤板久燬存者日就散軼  
不因時修輯將誰任其責者  
爰商之學博姜君延集儒紳

文學之士取舊志而增修之  
大約汰者十三存者十七創  
始之功無負焉至其所增益  
者則又因時制宜之義也未  
幾告竣哀然成帙彬彬可觀

矣庶幾後之采風者有所錄  
增修者有所資耳若夫數得  
失於班馬較優劣於康陳以  
竊比古史之遺概未之敢道  
敬俟來者已也

康熙三十五年歲次丙子季  
春月穀旦文林郎知松滋  
縣事新安陳麟題於松署

之聚星堂中

